

**Areatzan, 1998ko uztailaren 23an**  
**Ageriko batzarra**

Areatzako udaletxean, 1998ko uztailaren 23an, arratsaldeko 7etan, hasi da Euskaltzaindiak Pedro Antonio Añibarroren 250. urteurrena dela eta antolatu duen batzar irekia. Batzarra baino lehen, sei eta erdietan, Areatzako plazan euskal idazlearen oroigarri bat ezarri da.

Mahaian J. Haritschelhar euskaltzainburua eta Enrike Etxebarria, herriko alkatea exeri dira. Aipatuez gainera, honako jaun-andre hauek bildu dira aretoan: H. Knörr, P. Goenaga, J. A. Arana, P. Altuna, P. Charritton, J. M. Lekuona, B. Oihartzabal, F. Ondarra, J. San Martin, J. M. Satrustegi eta L. Villasante, euskaltzainak, Rudolf de Rijk, euskaltzain ohorezkoa, eta G. Aurrekoetxea, A. Eguzkitza, R. Badiola, I. Etxebarria, J. L. Goikoetxea, J. L. Lizundia, A. Muniategi, R. M. Pagola eta J. J. Zearreta, euskaltzain urgazleak, Bizkaiko Kultura diputatu den Tomas Uribeetxebarria jauna eta herritar ugari.

Lehenbizi, E. Etxebarria alkatea mintzatu da bilduei ongi etorria egiteko. Ondoren, euskaltzainburua mintzatu da, bilkuraren zioa azalduz eta Añibarroren nortasuna gorai-patuz.

Sarrera hitzaldi hauen ondoren, L. Villasante jaunak hartu du hitza Añibarroren bizitza eta obra erakutsiz.

Ekitaldiaren muina Blanca Urgell andreak eskaini duen hitzaldia izan da. Xehetasun handiz eta modu atseginean areatar idazlearen lana aztertu du: *Pedro Antonio Añibarro euskalari: hiztegitile, gramatikalari eta beste.*

Eta arratsaldeko zortzietan amaitu da ekitaldia, alkate jaunaren hitz labur batzuekin. Ondoren, bilduek solaserako aukera izan dute ahogoxagarriren bat dastatzen zuten bitartean.

Jean Haritschelhar,  
euskaltzainburua

Patxi Goenaga,  
idazkaria